



## 食頭乞龜

「老師，有人會食『頭』喔！哪會遮恐怖！」金門的慧玲老師，共我講伊上課的時，拄講著「食頭」的時，天真的學生因仔是按呢反應的。啊我是蹓佇金門「歐厝」遐的民宿，聽「順天旅店」的頭家歐陽先生講起，才知影金門有一个遮爾特殊的風俗號做「食頭」。

逐擺去金門，攞刁工去蹓有閩南風格的古早厝。蹓佇遐，我上愛透早就出門行踏，趁日頭光猶未蓋猛的時陣，就緊共規庄頭蹓一輾。今年我佇歐厝的「順天旅店」蹓三工，全款揸仔揸咧就出門。行到「歐陽氏宗祠」的時，煞予宗祠的公佈欄所貼的明細表唸去。這個表是歐厝基金會的，頂懸共歐厝五顯廟 li-li-khok-khok 的數目，逐條都記甲真斟酌。譬論講：「水成，106 年乞龜一隻，明年還一對；丙吉，106 年還一萬箍，乞龜一隻明年還一對。」我對個的風俗真好玄，就請教民宿的頭家歐陽先生，才知影「乞平安龜」是個元宵真重要的活動，今年若乞一隻龜，明年著愛會記得還一對，所以這個活動是一年比一年閤較鬧熱。

我閤請教伊：「是按怎這個所在會號做『歐厝』？」伊講：「因為阮遮攞蹓姓歐陽的。」我才知影金門人真重家族，仝姓的差不多攞蹓仝庄頭。像我舊年去過的「山仔兜」，遐就攞蹓姓薛的。逐姓攞有家己的祖厝，來服侍個的開基祖佾祖公祖媽。逐姓一年會辦兩擺祭典——清明培墓佾冬節祭祖。冬節祭祖了後，閤有一个真特殊的風俗號做「食頭」。

經過伊的紹介，我才知影，「食頭」就是逐姓的公族仔攞利用冬節這工，做伙聚餐，順繼討論家族仔的大代誌。這個活動毋是清彩人會當參加的，佇過去重男輕女的年代，干焦滿十六歲，已經轉大人的查埔人才有資格。辦桌的開銷是輪流「做頭」的，一冬輪十个做伙負責，才閤拈鬮仔，對這十个抽一个出來做「老大的」。凡若關係祭祖佾食頭遮的沓沓滴滴的代誌，就總交予這個「老大的」來發落。為著欲尊重序大，伊閤愛專工辦一桌較合老大人食的料理，來盡伊做「老大的」的義務。

人講：「食果子著愛拜樹頭，飲水著愛思源頭。」去過金門幾若擺，我才漸漸了解個的風土佾民情，其中「食頭」的風俗予我的印象上深。「食頭」的意義，除了聯絡家族仔的感情，解決公共事務，同時嘛培養少年輩對家族仔的認同，閤學會曉飲水思源，承擔傳承的責任。我感覺，佇這個家族觀念沓沓衰微的年代，「食頭」這號傳統文化，閤較有教育意義。

作者：林淑期

### ☆詞彙學習☆

【行踏】kiànn-tàh：走動。

【唸】siànn：吸引。

【數目】siàu-bàk：帳目。

【斟酌】tsim-tsiok：仔細。

【開基祖】khai-ki-tsóo：始祖。

【祖公祖媽】tsóo-kong-tsóo-má：列祖列宗。

【公族仔】kong-tsók-á：宗親。

【拈鬮仔】liam-khau-á：抽籤。

【總】tsóng：全部、都。